



Pou Piblikasyon Imedya: 29/11/2023

GOUVÈNÈ KATHY HOCHUL

GOUVÈNÈ HOCHUL ANONSE 100 MILYON DOLA NAN FINANSMAN LWA SOU OBLIGASYON ANVIWÒNMANTAL LA POU OTOBIS LEKÒL ZEWO EMISYON YO

Pwogram ankourajman otobis lekòl New York la fè bis pwòp ak enfrastrikti rechaj yo pi abòdab pou lekòl piblik yo

Sipòte objektif Lwa sou Lidèchip Klimatik ak Pwoteksyon Kominotè a pou diminye emisyon gaz a efè sè yo jiska 85 poustan disi 2050

Gouvènè Kathy Hochul te anonse jodi a gen 100 milyon dola disponib kounye a pou otobis lekòl zewo emisyon yo dapre Lwa 2022 sou Obligasyon Anviwònmantal pou Dlo Pwòp, Lè Pwòp, ak Travay Vèt istorik ki se 4.2 milya dola. Pwogram Ankourajman Otobis Lekòl New York (New York School Bus Incentive Program, NYSBIP) la bay finansman pou rann otobis pwòp yo ak enfrastrikti rechaj ki asosye yo vin pi bon mache pou distri lekòl piblik yo ak operatè otobis yo ki fè kontra avèk yo pandan y ap diminye polisyon, epi amelyore kalite lè a nan kominote atravè eta a, sitou sa ki defavorize yo. Anons jodi a sipòte objektif Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) a pou diminye emisyon gaz a efè sè yo jiska 85 poustan disi 2050 ak egzijans Eta New York pou tout otobis lekòl yo nan Eta New York yo se zewo emisyon disi 2035.

"Eta New York ap bay distri lekòl yo otonomi pou yo itilize otobis lekòl zewo emisyon ki pral bay lidè demen nou yo nan transpò ki an sante ak pwòp jodi a", **Gouvènè Hochul te deklare.** "Asire otobis lekòl elektrik yo nan premye plan nan transpò elèv yo se yon envestisman enpòtan nan sante epi li demonstre benefis enèji pwòp pandan l ap diminye emisyon danjere pou amelyore kalite lè a ak pwoteje anviwònman presye nou an".

NYSBIP, ke Otorite Rechèk ak Developman Enèji Eta New York (New York State Energy Research and Development Authority, NYSERDA) administre, bay ankourajman pou operatè flòt otobis lekòl ki elijib ki achte veyikil elektrik a batri (BEV) zewo emisyon oswa veyikil elektrik avèk selil konbistib a idwojèn (FCEV). Finansman sa a disponib sou baz premye ki vini yo se premye y ap sèvi yo avèk kantite ankourajman ki kòmanse nan 114,000 dola epi ki kouvri jiska 100 poustan nan pri siplemantè yon otobis lekòl zewo emisyon ki nèf oswa ki refèt, selon kalite veyikil la. Gen pi gwo kantite koupon ki disponib pou distri priyoritè yo ki gen ladan distri lekòl ki gen gwo bezwen yo ak kominote defavorize yo, jan Gwoup Travay sou Jistis Klimatik Eta New York la defini sa.

Gen plis ankourajman ki disponib tou pou flòt k ap retire otobis a motè ki gen konbisyon entèn yo nan operasyon, achte otobis aksesib pou chèz woulant oswa achte otobis ki gen kapasite veyikil pou rezo a.

Doreen M. Harris, Prezidan ak Direktè Egzekitif Jeneral NYSERDA, te deklare, "Li posib grasa Lwa sou Obligasyon Anviwònmantal istorik la, pwogram ankourajman sa a pral ede distri lekòl yo akselere deplwaman otobis lekòl zewo emisyon nan kategori pwa veyikil mwayen ak lou atravè Eta New York. Rasanble fabrikan yo, distri lekòl yo ak operatè otobis yo ansanm pou redwi emisyon transpò yo epi kreye vwayaj ki pi pwòp, pi an sante pou ale lekòl pou elèv nou yo pral pote rezulta pou plizyè deseni k ap vini yo".

Pwogram nan ofri tou rabè pou operatè flòt otobis lekòl ki elijib yo ki achte ak enstale enfrastrikti rechaj ki elijib ansanm ak otobis lekòl zewo emisyon yo fèk achte yo. Pwopriyetè flòt otobis lekòl yo (distri lekòl la oswa kontraktè yo a) elijib tou pou resevwa 25,000 dola pou chak otobis pou enfrastrikti rechaj, oswa 35,000 dola si yo sèvi yon distri priorité. Pwopriyetè flòt ki te konplete plan elektrifikasyon yo elijib pou yo resevwa 55,000 dola pou chak otobis pou enfrastrikti rechaj oswa 65,000 dola si yo sèvi yon distri priorité. Fabrikan veyikil yo ak konsesyonè otobis yo ka kontinye aplike tou pou yo ofri veyikil yo sou yon baz kontinyèl.

Elijibilite nan pwogram nan ak règ pou finansman pou enfrastrikti rechaj la disponib sou entènèt atravè [Manyèl Aplikasyon NYSBIP](#) la. NYSERDA pral aksepte aplikasyon yo sou yon baz kontinyèl jiskaske finansman an fini pou faz aktyèl la epi li pral aksepte aplikasyon pou pwochen faz yo pandan l ap sipèvize distribisyón 400 milyon dola adisyonèl Lwa sou Obligasyon an ki destine pou otobis lekòl ak enfrastrikti zewo emisyon. Lekòl yo ak kontraktè otobis lekòl yo pa aplike nan pwogram nan dirèkteman. Konsesyonè otobis lekòl yo aplike sou non yo apre yo fin bay lòd pou achte bis elektrik yo. Yo pral debouse ankourajman pou otobis lekòl yo dirèkteman bay konsesyonè ak fabrikan yo pou konpanse yon pati oswa tout diferans ki genyen nan pri acha ant otobis lekòl zewo emisyon yo ak otobis ki konparab ki mache ak dyezèl oswa gazolin pandan ankourajman pou enfrastrikti rechaj yo prale jwenn pwopriyetè flòt la dirèkteman. Pou bay plis enfòmasyon sou pwosesis NYSBIP ak novo ankourajman pou rechaj yo, NYSERDA pral òganize yon webinè nan [11 desanm 2023, a 3 pm ET](#) (enskri [isit la](#)). Pou kontinye aktyalizasyon pwogram yo, tanpri rejwenn lis difizyon nou an [isit la](#).

Komisè Depatman Konsèvasyon Anviwònmantal (Department of Environmental Conservation, DEC) Eta New York la, Basil Seggos, te deklare, "Distri lekòl atravè Eta New York yo elijib pou premye tranch 100 milyon dola sa a nan Lwa sou Obligasyon Anviwònmantal pou Dlo Pwòp, Lè Pwòp, ak Travay Vèt la pou ede fè avanse tranzisyon eta a nan otobis lekòl ki pi pwòp, ki benefisyé kominote ki gen yon lè pi pwòp epi redwi gaz a efè sè yo ki kontribiye nan chanjman klimatik. Nan travay nan tèt kole ak patnè nou yo nan NYSERDA, DEC ap fè avanse aksyon klimatik lè li pwofite opòtinite finansman Lwa sou Obligasyon Anviwònmantal la pou benefisyé kominote yo nan tout eta a, patikilyèman kominote defavorize yo ki te sibi pi gwo polisyon anviwònman an pandan plizyè dizèn ane. Envestisman Lwa sou Obligasyon yo ke

Gouvènè Hochul ap dirije ap devlope rezistans kominotè epi pwoteje sante resous natirèl nou yo".

Prezidan Komisyon Fonksyon Piblik Eta New York la Rory M. Christian, te deklare, "Kòm yon rezulta dirèk nan angajman Gouvènè Hochul pran pou kreye yon anviwònman ki pi pwòp ak Lwa sou Obligasyon Anviwònmantal la, distri lekòl yo pral jwenn èd finansye ki nesesè anpil pou achte otobis lekòl zewo emisyon. Pwogram sa a se yon pwosesis gayan-gayan pou fabrikan otobis yo ak distri lekòl yo pandan y ap chèche fason pou diminye emisyon yo".

Lwa sou Obligasyon Anviwònmanal la egzije pou kominote defavorize yo resevwa pou piti 35 pousan, avèk yon objektif 40 pousan, nan avantaj total finansman Lwa sou Obligasyon an. Dapre objektif sa a, NYSERDA pral vize pou asire omwen 40 pousan avantaj Pwogram Ankourajman pou Otobis Lekòl New York pou [kominote defavorize yo](#). Bis ki baze nan distri priyorité yo elijib pou pi gwo kantite ankourajman pou sipòte nouvo otobis zewo emisyon ak enfrastrikti rechaj.

Gid elijiblite NYSBIP yo te ouvri pou fè kòmantè piblik jiska 1 septanm 2023, epi yo te pibliye nan 28 septanm 2023, apre angajman piblik sou aplikasyon Lwa sou Obligasyon an ki te gen ladann yon sondaj sou lide pwojè ak yon toune nan tout eta a pou tandemoun yo ki te sèvi pou idantifye bezwen pou finansman nan anviwònman nan tout eta a atravè yon pwosesis transparan ak kolaboratif. Pou plis enfòmasyon, tanpri vizite [www.ny.gov/BondAct](#).

Eta New York bay anpil resous pou operatè bis lekòl yo pou fè tranzisyon flòt yo pou bis zewo emisyon, ki gen ladan [Fèy de Wout pou Bis Lekòl ki Elektrik Eta New York](#) ak [Manyèl Enstriksyon pou Bis Lekòl Elektrik](#). Anplis de sa, 5 milyon dola nan premye 100 milyon dola nan finansman Lwa sou Obligasyon Anviwònmantal la rezève pou [asistans teknik](#) pou flòt bis lekòl Eta New York yo pou devlope plan elektrifikasyon flòt la. Distri ki gen gwo bezwen yo ka kouvri jiska 100 pousan pri plan sa yo ki kouvri. Resous sa yo, sitou Gid la, detaye avantaj ki genyen nan otobis zewo emisyon ki kapab enfòme diskisyon avèk konsèy lekòl yo ak piblik la, opsyon pou otobis lekòl elektrik, akizison, ekipman pou chaje ak enfrastrikti.

Senatè Eta Timothy Kennedy, te deklare, "Tranzisyon sektè transpò nou an pou zewo emisyon an alien ak pi gwo objektif anviwònman New York yo ak angajman nou pou konstwi kominote ki pi an sante ak pi pwòp. Nou rekonèt ke nenpòt chanjman souvan vini ak depans, epi envestisman 100 milyon dola sa a fèt entansyonèlman pou fè tranzisyon sa a pi abòdab ak aksesib pou patnè atravè eta nou an".

Senatè Eta Shelley B. Mayer te deklare, "Mwen kontan ke kòlèg mwen yo nan lejislati a ak mwen menm, ansanm ak Gouvènè Kathy Hochul, nou te kapab jwenn 100 milyon dola nan finansman eta a pou ede distri lekòl yo atravè Eta New York diminye emisyon kabòn nan tranzisyon pou itilizasyon otobis lekòl zewo emisyon. Pandan New York ap andire de pli zan pli tanpèt devastatè, nou dwe pran mezi pwo-aktif ak sibstansyèl pou redwi kantite kabòn ki degaje nan atmosfè a. Avèk finansman sa a ki disponib kounye a,

New York yon lòt fwa ankò nan premye plan nan konbat chanjman klimatik san li pa mete distri lekòl yo ak kominote yo nan difikilte finansye".

Manm Asanble Didi Barrett te deklare, "Li enpòtan pou Eta New York bay oryantasyon, resous ak finansman ki nesesè pou sipòte distri lekòl yo nan tranzisyon yo nan otobis lekòl zewo emisyon san yo pa peze sou bidjè lekòl yo oswa kontribiyab yo. Lè nou te adopte Lwa sou Obligasyon Anviwònmantal la, nou te pran angajman pou nou bay gwo envestisman nan novo ekonomi vèt nou an, epi mwen kontan wè finansman sa a disponib kounye a atravè Pwogram Ankourajman Otobis Lekòl New York la".

Manm Asanble Michael R. Benedetto te deklare, "Bay lekòl nou yo avèk 100 milyon dola pou otobis zewo emisyon se pa sèlman yon etap nan direksyon dirabilite anviwònman an, men se yon pwogrè pou yon lè ki pi pwòp, mwens emisyon gaz a efè sè ak aksè ekitab nan inisyativ vèt. Pwogram Ankourajman Otobis Lekòl New York la, ki te jwenn sipò Lwa sou Obligasyon Anviwònmantal la montre angajman pou yon avni ki pi vèt, pi an sante pou tout kominote yo, espesyalman moun ki nan bezwen yo. Ann reyalize chanjman, yon sèl otobis lekòl san emisyon alafwa".

Manm Asanble William Magnarelli te deklare, "Anons Gouvènè jodi a sou 100 milyon dola ki disponib pou otobis lekòl zewo emisyon yo montre reyalite ke tranzisyon an nan transpò ki pa konbistib fosil la rive sou nou. Li montre tou ke enkyetid anpil moun sou fason yo pral peye pou yo, pral diminye gras a enjeksyon lajan ki soti nan Eta a. Mwen bat bravo pou anons Gouvènè a epi mwen espere wè plis alavni pou mennen nan yon tranzisyon san pwoblèm nan transpò pwòp".

Prezidan Lig Elektè Konsèvatè (League of Conservation Voters) New York la, Julie Tighe, te deklare, "Otobis lekòl elektrik yo pral diminye emisyon gaz a efè sè k ap chofe planèt nou an epi redwi polisyon lè a ki anpwazonnen poumon timoun nou yo epi ki lakòz absans lekòl ki trè wo, espesyalman nan kominote ki defavorize yo. Manda pou fè tout otobis lekòl yo vin elektrik disi 2035 se te yon gwo viktwa anviwònmantal ak sante publik epi avèk lajan eta a ki kòmanse antre kounye a, li lè pou nou kòmanse mete kawotchou yo sou wout la. Nou ankouraje tout distri lekòl yo pou yo aplike pou Pwogram Ankourajman Otobis Lekòl ki finanse atravè Lwa sou Obligasyon an epi kòmanse pwosesis tranzisyon flòt yo pou yo vin elektrik pou pwoteksyon planèt la ak pou timoun nou yo".

Direktè Egzekitif Asosyasyon New York pou Transpò Elèv, Dave Christopher, te deklare, "Asosyasyon New York pou Transpò Elèv (New York Association for Pupil Transportation) yo remèsye Gouvènè Hochul ak NYSERDA dèske yo te ouvri finansman Lwa sou Obligasyon Anviwònmantal pou distri lekòl yo pou yo achte otobis lekòl zewo emisyon atravè Pwogram Ankourajman Otobis Lekòl la. Finansman sa a pral ede distri lekòl yo kòmanse tranzisyon flòt otobis yo soti nan otobis ki gen konbistib fosil pou pase nan otobis lekòl zewo emisyon pou atenn objektif Lwa sou Lidèchip Klimatik ak Pwoteksyon Kominotè a epi pral bay elèv yo otobis lekòl pwòp epi ki an sekirite pou ale ak soti lekòl chak jou".

Anons jodi a konplete envestisman kontinyèl Gouvènè Hochul nan transpò pwòp. New York ap envesti plis pase 1 milya dola nan veyikil zewo emisyon pandan senk ane k ap vini yo ak adopte règleman machin pwòp ak kamyon pwòp ki egzije 100 poustan lavant machin pasaje ak kamyon lejè zewo emisyon disi 2035. Inisyativ veyikil lejè aktif yo enkli rabè pou achte veyikil zewo emisyon atravè [Pwogram Ranbousman Rabè pou Kondui Pwòp](#), (Drive Clean Rebate) NYSERDA a, sibvansyon pou veyikil zewo emisyon ak enfrastrikti rechaj atravè [Pwogram Sibvansyon Minisipal Kominote Entelijan pou Klima](#) (Climate Smart Communities, CSC) Depatman Konsèvasyon Anviwònmantal (Department of Environmental Conservation, DEC) Eta New York la, ansanm ak inisyativ "EV Make Ready" (Prepare pou Veyikil Elektrik), pwogram pwogram enfrastrikti rechaj [EVolve NY](#) Otorite Enèji New York (New York Power Authority, NYPA) la, enfrastrikti rechaj [Charge Ready 2.0](#) pou Nivo 2 NYSERDA a ak pwogram [Enfrastrikti Nasional Veyikil Elektrik](#) (National Electric Vehicle Infrastructure, NEVI) Depatman Transpò (Department of Transportation, DOT) Eta New York la pou ede elaji itilizasyon veyikil elektrik. Inisyativ kamyon mwayen ak pwa lou aktif la genyen ladan I koupon pou acha kamyon zewo emisyon atravè [Pwogram Koupon pou Kamyon New York \(New York Truck Voucher Program, NYTVIP\)](#) ak Pwogram Kamyon Pwòp Vil New York, "Prepare pou Machin Elektrik" (New York City Clean Trucks Program, inisyativ "EV Make Ready" pou ede devlope itilizasyon machin elektrik, sèvis evalyasyon flòt, ak Konkou 24 milyon dola nan Pri pou Kamyon ak Bis Elektrik la nan kad [Prim Transpò Pwòp New York](#) la ki se 85 milyon dola.

Plan Klimatik Nasional Eta New York

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 poustan, avèk yon objektif 40 poustan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 poustan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 55 milya dola nan 145 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 poustan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)